

Ashkhas ajina llakiypi tarikuspa, tapukunku: “Noqapaj kanmanchu perdón?” nispa. Sichus kunitan Tata Diospa wertampi yuraj pañuelosta rukuyta munasunman chayqa, rikusunman sach’asqa yuraj pañueloswan junt’a kashajta: *“Diosqa chay jinatapuni kay pachapi kaj chhikata munakusqanrayku, uj k’ata Churinta gorqa. Ajinamanta pillapis Paypi creejqa mana chinkayman renqachu, astawanqa wiñay kawsayniyoj kanqa,”* nispa nin. (Juan 3:16). Dios ashkhata munakuwanchej, chayraykutaj uj k’ata munasqa Churinta kachamorqa cuentanchejmanta cruzpi wañunampaj. Paynejtataj perdonasqa kananchejpaj, Jesucristowan khuskataj wiñaypaj kawsananchejpaj.

Kay k’acha willaynejta Dios Tata bendecisuchun, amataj qonqaychu Payqa ashkhata munakusunki.

(fuente de dominio popular)



Publicado por:

2024 Asociación “EL SEMBRADOR”
Dirección: Calle Loa Nro. 621-B
SUCRE – BOLIVIA

Contactos:

Gonzalo Ascarrunz Paredes / Cel. 73417525
lgap_41@hotmail.com

René Villegas Camacho / Cel. 67607735
renewc1958@gmail.com

Juan Pablo Rosado Lambertin / Cel. 75793650
juanpablo7rosadolambertin@gmail.com

¡Ama Llakikuychu!



Kunan tarinki ¡SONQOCHAYTA!



Munasqa runa masi kayta qhelqamuyki, mana waj qhelqasqas jinachu. Kay qhelqapeqa munani jaywasuyta uj k'achito sonqochayta, chay willaynejtataj jap'ikunki munakuyta, sonqo tiyaykuyta ima.

Kay willayqa qallarín Isidro kawsayninwan, payqa mana kasukoj munayninta ruwaj waynuchu kasqa. Ajinaqa, tatanman chimpaspa nisqa: “Tatay, sumaj yuyayniyojña kani, herenciyta qopuway karuman ripunaypaj,” nispa. Tatanqa chayta uyarispa jatun llakiywan herenciaña jaywaposqa.

Jatun camión q'osñirispá loma wasaman chinkaykushan, chay camiompeqa Isidro chunka jisq'on watayoj waynuchu ripushan, bolsillompi qolqe junt'a, kallpampis junt'a, tatanta mamanta saqerparispa... Tatantaj waqarikuspa qhawashan wawampa ripusqanta rikuspa.

Chay ripusqan p'unchaymanta, ñapis chunka phishqayoj watasña pasaposqa. Isidrotaj kawsayninta mana allin kawsayman qosqa: Qolqe apuestaspi pujuillaspa, aqha ujyay machaykunapi, mana allin warmiswan purispa ima. Qolqen tukukojintaj wajkunamanta suwasqa, chayraykutaj carcelman wisq'asqa kasqa.

Chay ashkha watas pasaytataj, watejmanta jatun camión q'osñirispá jamushan llajtanman, Isidrotá apamuspa. Kunan kuteqa, onqosqa, vicioj atipasqan, millay ch'ichi, tullito ima. Jinallapi qayllampi kasharqa chayman, nisqa: “Tatayman cartata qhelqamorqani, kutimpushani nispa. Sichus qankuna perdonawankichej chayqa, wasi patiopi sach'a kashan chayman uj yuraj pañuelota churankichej, kay camión patamanta rikunaypaj jina. Yachanaypaj perdonawasqaykichejta. Sichus chay yuraj pañuelota rikusaj chayqa, uraykusaj, mana rikusaj chayrí ripullasajpuni chinkanaykama, manataj ni jayk'aj rikuwankichejñachu... Paykunaqa mana yachankuchu wasiy qayllata mayk'aj pasanayta,” nispa.

Wasinman qayllashaspañataj, manaña kallpan kasqachu umanta oqharispa qhawarinallampajpis. Umanta qonqorinman k'umuykuspa, mañan qayllampi kasharqa pay qhawaripunanta, yuraj pañuelo chay sach'api churasqachus kashan manachus chayta. Chay runa masintaj nisqa: “¡Mana uj yuraj pañuelollachu sach'apeqa, mana yupay atina, yuraj pañueloswan junt'a kashan,” nispa. Tatasnimpa perdonenqa manchay jatun junt'asqataj kasqa.

Ichus chay Isidro waynuchu jina Dios Tatanchejmanta karunchakorqanki, munayniykiman jina kawsaspa. Kay mundo kawsaykunapi mana allin imasta ruwaspa. Imaymana phutiykunaman urmaspa, nanaypi tarikuspataj ni imanayta atinkichu, Dios Tata mana perdonasusqanta yuyaspa.